



皇宋十朝綱要卷第六

眉代山李爾臺編

仁宗

甲申慶曆四年

契丹主宗真重熙十三年

正月丙子南環州進士區希範與其叔正錚立蠻酋蒙逞為主攻陷本州及鎮寧州殺官吏

二月甲寅罷陝西四路馬步軍都部管經畧安撫詔討使復置逐路都部管經畧安撫招討使

三月乙亥用范仲淹議詔諸州縣皆立學本道使者

選屬部官為教授三年而代進士試三場先策論次詩賦通考為去取而罷帖經墨義右侍禁李德用擊區希範於韓婆嶺希範入保荔波洞間出拒官軍四月壬子以錫慶院為太學尋罷之

五月丙子詔西川知州軍監罷任未出川界而卒者錄其子孫一人丙戌元昊始遣人來復稱臣號夏

國主

六月丁酉降敕榜下知潭州劉沆招前桂陽徭賊

丁未開寶寺塔火壬子叅知政事范仲淹宣撫河

南陝西

七月癸未契丹遣使來告以舉兵討元昊丙戌詔諸路轉運提點刑獄司察所部知州軍知縣縣令有治狀者以聞不如所舉令御史劾之

八月保州雲翬卒殺知州劉繼宗通判石待舉奉都監韋貴為主乘城拒命庚子命知成德軍田況發旁郡兵討之壬辰樞密副使富弼宣撫河北甲

寅右侍禁郭逵登城諭賊皆出降况坑其首亂者四百餘人乙卯戒飭諸路轉運按察提點刑獄發

摘所部官吏務為苛刻 戊午詔無以輔臣所荐官  
為諫官御史

九月辛酉保州平 朝廷許元昊稱夏國主歲賜銀  
絹茶絲合二十五萬五千 庚午晏殊罷為工部尚  
書知潁州 甲申樞密使吏部侍郎杜衍以本官同  
平章事集賢殿大學士

十月己丑元昊始稱臣獻誓表 庚寅賜詔答之  
契丹駙馬劉燾來奔甲午詔械送還之 是月劉沆  
大發兵以救磅至桂陽監招降蠻賊二千餘人 癸

丑蠻酋鄧文志黃文晟黃士元並補官

十一月甲子監進奏院蘇舜欽坐用鬻故帑錢召妓  
女宴會除名館閣連坐者甚眾 己巳詔戒坊用黨

庚午詔主將陷沒牙隊並以軍法論 壬午上祀  
天地于圓丘大赦

十二月乙未冊命元昊為夏國主更名曩霄 築原  
州細魯城

乙酉慶曆五年 契丹主宗真重熙十四年  
正月己巳別詔擇地建太學 甲戌罷河東陝西諸

路招討使 乙亥復置言事御史以殿中侍御史梅  
摯監察御史李京為之 丙子契丹遣使來告伐夏  
國還 丙戌杜衍罷為尚書左丞知兗州工部侍郎  
樞密使賈昌朝同平章事集賢殿大學士

二月戊子朔分遣內臣汰諸路羸兵京東西淮南兩  
浙荆湖福建諸路州宣毅過三百人者毋得更募  
壬辰曩霄初遣人來賀正旦

三月甲子廣西路轉運使杜杞誘區希範蒙趕及其  
黨六百餘人悉屠之 丙子詔禮部貢院增天下解

額總諸州軍凡三五百十人

四月丁亥朔日食陰晦不見 辛卯曩霄初遣人來  
賀乾元節 戊午章得象罷為使相判陳州賈昌朝  
進昭文館大學士工部侍郎參知政事陳執中以本  
官同平章事兼樞密使

五月壬戌夏人歸石元孫 己巳罷諸路轉運判官  
十月乙卯契丹遣使來獻所獲夏國羊馬九龍車

辛酉祔章獻明肅皇后章懿皇后神王于太廟大赦  
以諸路按察使競為苛察罷之 自真宗東封以

來不復出獵直集賢院李東之言講武不可廢庚午  
上始校獵于楊村辛未始頒曆于夏國庚辰罷  
宰相樞密使

十一月辛卯詔京東提點刑獄司體量直集賢院石  
介存亡以聞

十二月區希範餘黨唐和等復寇桂陽監殺禮賓使  
胡元等四人又徐州人孔直溫等謀反伏誅

丙戌慶曆六年契丹主宗真重熙十五年

二月戊寅青州地震

三月辛巳朔日食庚寅登州地震海聲如雷岬嶼  
山震十日不止

五月甲申京師地震知潭州劉夔奏舉兵擊破僭  
賊唐和於銀江源破其巢穴丁酉京東人劉登劉  
沔胡信謀反伏誅

六月丁巳流星出營室大如杯其光燭地隱然有聲  
丙子詔自今制科隨進士貢舉著為令仍須近臣  
薦論毋得自舉

十月始用知桂陽監宋守信言令本路大發兵討蠻

賊壬申詔知廣州魏瓘專提舉討捕賊遁入郴州  
十一月賊由趙峒寇掠英韶州界 戊子用三司使  
張方平議罷河北榷鹽

丁亥慶曆七年

契丹主宗真重熙十六年

正月己亥頒慶曆編敕

三月癸己以旱災避殿減饒詔中外臣僚上封事

乙未賈昌朝罷為使相判大名府陳執中進昭文館  
大學士判大名府夏竦為吏部尚書同平章事集賢  
殿大學士未拜改樞密使 己亥罷建州造龍鳳茶

壬寅宰輔以久不雨請罷詔各貶一秩

四月己酉詔以江東轉運使楊紘判官王綽提點刑  
獄王鼎皆以亟疾苛察相尚時號三虎京東轉運使  
薛紳任部吏孔宗旦等時號四瞪紘己先黜其紳鼎  
悉降知州綽方居喪候服除取旨自今毋得用為監  
司宗旦等並與遠小監當

五月唐和等請降 己丑悉補官充峒主

八月戊午始置天章閣直學士 改文明殿學士為  
紫宸殿學士

九月作廣親宅以處秦王子孫

十一月戊戌祀天地于圜丘大赦 是日貝州宣毅

卒王則執知州張得一殺官吏據城反自稱東平王

國號安陽改元稱聖

十二月壬寅詔發旁近兵討之 庚戌命樞密直學

士明鎬安撫河北

戊子慶曆八年

契丹主宗真重熙十七年

正月辛未夏主曩霄為其太子甯令所弑國人殺甯  
令立其弟諒祚諒祚甚幼政皆出其母沒藏氏及舅

沒藏訛龍 丁丑叅知政事文彥博請身往破貝州

賊詔彥博宣撫河北改明鎬副之

閏正月辛丑彥博奏克貝州擒王則送京師誅之

丁未彥博為禮部侍郎同平章事集賢殿大學士

辛酉親從卒顏秀等四人夜入禁中謀為變傷宮人

宿衛兵捕殺之

三月甲寅上幸龍圖天章閣出手詔賜輔臣及翰林

學士三司使知開封府御史中丞等問以天下利病

朝廷得失 癸亥又御迎陽門召知制誥諫官御史



等問之皆使條畫以對

夏四月丙子詔科場舊條皆先朝所定宜一切無易

辛卯析河北大名府高陽關真定府定州為四路

各置安撫使命知大名府真定府瀛州定州者領之

五月乙巳改紫宸殿學士為觀文殿學士

辛酉無雲而震者五上察樞密使夏竦姦邪以致天變亟罷

之

六月丙子河決澶州商胡埽丙申初令陝西以大

銅錢一當小錢三小鐵錢三當銅錢一

七月并河東小鐵錢如陝西用之

十月壬午以美人張氏為貴妃

丁亥命屯田負外郎范祥提點陝西刑獄兼制置解鹽使自推行其法

十二月乙丑詔改明年元

丙子詔河北緣邊入中芻粟者加給南鹽謂之四稅法

是歲河北京東西大水大飢人相食流殍甚衆

已丑皇祐元年 契丹主宗真重熙十八年

正月甲午朔日食

辛酉詔自今言事者非朝廷得失民間利病毋得以風聞彈奏違者坐之

二月丁卯彗出虛 戊辰詔今後轉運使副官滿差  
兩制臣僚考較分上中下六等  
三月己未契丹遣使來告再伐夏國

六月甲戌始置觀文殿大學士以祥源觀使賈昌朝  
為之 戊寅詔中書樞密院非聚議毋得通賓客

丁亥用御史陳升之議詔今後臣僚奏乞子孫試館  
職者如試中只與轉官或賜出身更不除館閣

八月壬戌陳執中罷為兵部尚書知陳州文彥博進  
禮部侍郎昭文館大學士監修國史樞密使宋庠進

兵部侍郎同平章事集賢殿大學士

九月乙巳廣南西路奏廣源州蠻寇邕州

十月壬戌遣戶部副使包拯往陝西與轉運使議定

鹽法

十二月壬戌詔陝西保捷年五十以上及短弱者聽  
歸農 是歲簡汰天下羸兵無慮八萬餘人 丁丑

詔陝西徙屯馬軍於近地以省邊儲

庚寅皇祐二年

契丹主宗真重熙十九年

正月壬子復詔河北陝西入中芻粟者令入錢十萬

於京師始兼給南鹽謂之對帖法

三月己丑詔以大慶殿為明堂 庚子契丹遣使來

告伐夏國還

四月戊辰男子冷清詐稱皇子伏誅

五月丙申罷國信三番使臣 丁未廣西路奏交趾

攻廣源州蠻酋儂智高詔本路嚴備之

九月辛亥大饗明堂以太祖太宗真宗配大赦百官

進級一等 詔內降指揮百司執奏毋輒行敢因緣

干請者諫官御史察舉之

閏十一月丁巳詔中書門下集兩制太常寺官置局

於秘閣詳定大樂 己未詔后妃之家毋得除二府

職任 己未三司使張堯佐為宣徽南院使淮康軍

節度使景靈宮使 庚申又加群牧使 戊辰御史

中丞王舉正留班庭爭復率御史唐介諫官包拯等

於上前極言且於殿廡切責宰相上聞之遣使喻旨

百官乃退

辛卯皇祐三年 契丹主宗真重熙二十年

正月丙子分淮南為兩路江寧府五部並帶提點兵

甲盜賊

二月又詔臺諫自今後合班上殿並先申中書取旨  
乙酉廣源州蠻儂智高請內屬詔弗受

三月庚申宋庠罷為刑部尚書觀文殿大學士知河

南

五月壬申置三司河渠司

六月無為軍獻芝草三百五十本詔免知軍茹孝標  
罪戒州郡自今毋得以聞

七月丁巳兩制禮官上大樂名曰大安辛酉河決

大名府郭固口

乙丑罷天下長吏耗昏罷庸者十

六人

八月丙戌遣侍御史知雜事李元等八人安撫體量

京東等七路

九月丁丑詔講讀官當侍講讀者立侍敷對餘皆賜  
坐

十月己卯朔始用范祥議詔解鹽聽通商殿中侍

御史裏行唐介劾文彥博作間金奇錦獻宮掖由此  
擢為執政上怒甚丁酉責介眷州別駕己亥改英

十朝綱要 卷六  
州別駕 庚子彥博罷為吏部尚書觀文殿大學士  
知許州樞密使龐籍以行戶部侍郎同平章事昭文  
館大學士監修國史

十一月辛亥減漳泉州興化軍丁米 乙亥詔以江  
淮荒歉減以今年上供米一百萬石

壬辰皇祐四年

契丹主宗真重熙二十一年

正月辛亥徙唐介監柳州酒稅 丙寅詔御史臺諫  
院務盡鯁直以箴闕失 乙亥塞郭固口

二月議開六漯河以分水勢 己亥詔知博州蔡挺

與入內都知張惟吉同議利害以聞

三月甲寅罷江淮兩浙荆湖所增米鹽錢 丙寅用  
廊延鈐轄郭諮議置獨轅弩軍

四月廣源州蠻儂智高反襲陷橫山寨

五月乙巳朔陷邕州殺知州陳洪自稱仁惠皇帝改  
元啟曆引兵沿江東下遂連陷橫貴龔藤梧州康端  
八州圍廣州

六月乙亥起前衛尉卿余靖安撫湖南直史館楊畋  
安撫廣南 庚辰改余靖知桂州 庚寅廣惠州提

舉捉賊武日宣惠州巡檢魏承憲擊智高於廣州城下死之

七月余靖兼經制廣東路盜賊 番禺令蕭注募強壯二千餘人以海船集上流縱火焚賊舟大破之  
壬戌智高引衆去廣州廣東兵馬鈐轄張忠知英州蘇緘邀擊賊兵于路田忠戰歿 甲子廣東兵馬鈐轄蔣偕擊賊兵于路田戰敗巡檢楊達等五人皆死  
八月改知秦州孫沔為湖南江西路安撫使許便宜從事尋又兼廣東西路

九月戊申智高襲蔣偕於賀州太平場殺之莊宅副使何宗古等皆歿 庚申廣西兵馬鈐轄王正倫擊智高于昭州館門驛戰歿智高遂陷昭州 庚午命樞密副使狄青宣撫荆湖路提舉廣南經制賊盜事將兵討智高

十月丁丑智高陷賓州 甲申復入邕州

十一月壬寅朔日食 交趾李德政請發兵二萬助官軍討儂智高

十二月壬申朔廣西兵馬鈐轄陳曉擊智高兵敗于

十朝綱要 卷六  
金城驛 壬辰知制誥王洙等獻新樂

癸巳皇祐五年 契丹主宗真重熙二十二年

正月丁未詔交趾毋兵出 陳曉以步卒八千犯賊  
潰於崑崙關軍士皆遁 己酉狄青至賓州斬曉及  
殿直裘用等三十三人 丁巳會靈觀火 戊午狄  
青敗智高于歸仁鋪大破之斬首五千餘級智高奔  
邕州奔大理己未青按兵入城智高自起至平幾一  
年

三月壬子陝西轉運使范祥城古渭州青唐羗惡之

攻破廣吳嶺堡圍啞兒寨丁巳命秦鳳路部管劉復  
將兵擊破之 甲子奉太祖太宗御容赴滁并澶州

神御殿 丙戌作集禧觀成 即會靈觀也

五月乙巳詔輔臣凡有軍國大政邊防重事俟前殿  
退許復對後殿 戊申詔禁諸路轉運使括民取羨  
餘以助三司

閏七月戊辰詔自今內侍供奉至黃門以一百八十  
人為額 壬申罷籍罷守戶部侍郎出知鄆州判大  
名府陳執中加吏部尚書同平章事昭文館大學士

十朝綱要 卷六  
叅知政事梁適為禮部侍郎同平章事集賢殿大學士 城古渭州建以為寨

八月壬戌詔南郊以太祖太宗真宗並侑

九月乙酉召近臣觀新樂于崇政殿

十月丙申朔日食

十一月己巳祀天地于圜丘大赦詔開封府諸縣二稅永減三分

十二月壬戌以曹陳許鄭滑州為輔郡隸畿內置京畿轉運使 丁酉廣南西路奏獲儂智高母及其子

第 癸丑詔內侍省都知押班湏年五十以上歷任無賊私罪者乃得為之

甲午至和元年 契丹主宗真重熙二十三年

正月癸酉貴妃張氏薨 丁丑追冊為皇后賜謚溫成

三月庚辰降德音改元

四月甲午朔日食 辛丑祥源觀火

七月戊辰梁適罷守禮部侍郎知鄭州上左右或言御史馬遵呂景初吳中復摺拾宰相所論事皆不實



已巳出遵知宣州景初通判江州中復通判虔州知制誥蔡襄繳還詞頭論三人者無罪御史中丞孫抃累奏乞召還遵等翰林學士胡宿因名對乞留遵等退又上疏極言之皆不報  
八月丙午叅知政事劉沆以工部侍郎同平章事集賢殿大學士  
九月命沆為溫成監護使孫抃率其屬言不可且言立廟建陵皆非禮章累上不報因請對固爭抃伏地不起帝改容遣之

十月辛丑詔川陝選人自今並聽奔喪

十一月辛酉同知太常禮院吳充趨真卿以禮直官輒預書填印狀通奏言溫成廟當用樂舞牒送開封府按罪執政怒之由是充出知高郵軍真卿知淮陽軍同修起居注馮京上疏言充真卿不當補外言甚切乙丑落起居注時諫官范鎮御史趙抃亦皆上疏言責充等非是不報

十二月癸丑詔內近侍傳宣令都知司劄報被受者覆奏

乙未至和二年

契丹主洪基清寧元年

四月己亥契丹主遣使以其畫像來獻求易御容以代相見篤兄弟之情 辛亥初罷諸鄉里正以貨產排鄉戶衙前

五月辛酉詔中書公事自今並用祖宗故事施行 六月御史中丞孫抃殿中侍御史趙抃前後上疏論陳執中罪惡甚衆戊戌執中罷為使相判亳州知永興軍文彥博為吏部尚書同平章事昭文館大學士南宣徽使判并州富弼為戶部侍郎集賢殿大學士

劉沆加兵部侍郎改監修國史

儂智高死於大理

乙巳誅其母及其子弟

七月詔兩制兩省以上如有公事欲見執政許就白于中書省樞密院毋得詣私第 甲子詔宰相自外召入者令百官班迎自內拜者聽行上事儀

九月辛巳罷輔臣宣徽節度使乾元節任子思 辰州蠻酋下溪州刺史彭仕羲之子師寶來奔荆湖北路轉運使李肅之等納之以為鄉導出兵擊仕羲不克自是仕羲數入寇

十月癸丑詔湖北廣西路發兵討之

十一月己巳交趾來告李德政卒乙亥授其子日尊本道節度交趾郡王

十二月戊子命殿中丞李仲昌開六澤渠道河入橫隴故道 壬子作醴泉觀成 是年八月契丹主宗

真殂在位二十三年廟號興宗子洪基立改元清寧丙申嘉祐元年 契丹主洪基清寧二年

正月甲寅朔御大慶殿受朝前一夕大雨雪折梁架帝跣禱而霽是日暴感風眩不豫

二月甲辰御延和殿上康復

四月壬子朔李仲昌等初塞商湖河北流使悉東入六澤是夕復決如故自是朝廷但治西隄以衛北京及契丹國信路不復治東隄

三月丙辰裁定補蔭選舉之法 京師自五月大雨不止水注安上門門閤折壞官私廬舍數萬區命兩府分行諸門禦水河東北京東西陝西湖北兩川路亦奏河江決溢河北尤甚

六月乙亥水壞太社太稷壇 戊寅遣知制誥韓絳

體量安撫河北 己卯詔羣臣實封言時政闕失

七月辛巳朔詔三司開封府臺諫官審刑院復上殿  
奏事仍日引一班自上不豫惟二府得奏事至是始

引對羣臣 有彗出紫微垣長丈餘 環州小過等

族叛知州張揆發兵擊之俘斬千餘人餘黨悉降

八月庚戌朔日食 罷陝西小鐵錢 癸亥彗滅

戊寅詔招安彭仕義

九月辛卯上共謝天地于大慶殿大赦改元 癸卯  
自京至泗州置狹河木岸

十二月壬子劉沆罷為工部尚書觀文殿學士知應  
天府

丁酉嘉祐二年 契丹主洪基清寧三年

二月河東經略使龐籍上言西夏累歲侵耕屈野河  
西地請禁河東陝西與之和市從之

三月御殿試禮部奏名進士是歲進士與殿試者始  
皆免黜落

四月火峒儂師旦請降詔皆補官

五月庚辰龐籍用通判并州司馬光及知麟州武戡

議增築河西白草平兩堡既興役戡與管麟府軍馬  
公事郭恩往按視與夏人遇戰於斷道塢軍敗恩死  
之戡走趣城東扶門以入虜執走馬承受黃道元既  
而遣還 己亥初令文武官毋得自乞磨勘歲令審  
官三班院舉行 己亥初令文武官毋得自乞磨勘歲令審  
六月丁巳詔自今應制科者並聽待制以上奏舉毋  
得自陳內草澤人許本路轉運使奏舉進用羗次毋  
得引舊例超擢

七月辛卯令翰林學士承旨孫抃御史中丞張昇磨

勘諸路轉運使提點刑獄課績

八月乙巳朔詔編集樞密院機要文字樞密副使程  
勣提舉 庚戌自今歲賜諸道節鎮諸州錢有差委  
長吏選官合藥以救民疾置校正醫書局命直集賢  
院掌禹錫四人為校正 丁卯以戶絕田所輸之課  
置廣惠倉詔提點刑獄專領之

九月庚子契丹遣使以新主畫像來求御容許之

十月丙午頒嘉佑祿令

十二月戊申詔自今間歲貢舉天下進士諸科解舊

額之半置明經科罷說書舉人 辛亥詔學士院承  
內降處分自今並闕白中書樞密院

戊戌嘉祐三年

契丹主洪基清寧四年

正月戊戌鑿永通河於京城之南

四月乙丑罷睦親宅祖宗神御殿

六月文彥博罷為使相判河南富弼加禮部尚書進

昭文館大學士樞密使韓琦以工部尚書同平章事

集賢殿大學士 丁卯交趾貢異獸

七月丙戌廣濟河溢 河決汴提長城口

八月己亥朔日食 官軍討彭仕義久不克辰澧州

體量盜賊雷簡夫督諸將進兵築明溪上下二寨據

其險要仕義計窮 庚申仕義歸所掠請降自是奉

貢職如故 是月立定武官橫行負數

九月癸酉議罷榷茶法即三司置局

十月癸亥除河北坊郭客戶乾食鹽錢

十一月癸酉命翰林學士韓絳等同三司詳定減省

冗費于是置省減司 己丑置都水監罷三司河渠

司 庚寅初令汴舡毋得出江

閏十二月丁丑裁定進士高第人恩例

癸亥嘉祐四年

契丹主洪基清寧五年

正月甲申朔日食

二月己巳詔除江淮茶禁聽民通商收稅歲為錢三

十三萬八千有奇罷十三山場六榷務 甲戌廣西

路奏交趾寇欽州思稟峒十九村 丁丑置館閣編

定書籍官以祕閣校理蔡抗陳襄等為之 乙亥以

廣惠倉隸司農寺 己卯詔陝西大銅錢並當錢常

之二

四月癸酉封柴氏後為崇義公奉周祀

五月戊戌詔舊制兩制臣僚不許詣執政祕第執政

常所舉不得為御史其悉除之 庚子詔入內內侍

省權罷進養子 丁巳詔江寧府楊廬洪潭越福州

並兼本路兵馬鈐轄

六月置館閣編校書籍官以太子中允王陶等為之

館閣編校書籍自此始 丁丑詔諸路轉運使凡隣

路州災傷而輒閉糴者以違制坐之

七月驍騎張玉坐突入三司詔詈三司使包拯杖死

九月丙午詔帶閣門祇候使臣內殿崇班以上太子  
率府率及正刺史以上遭父母喪並聽解官行服宗  
室解官仍給全俸

十月癸酉大禘於太廟大赦是歲初以諸坊監及  
諸軍牧馬所用餘田賦貧民耕種

庚子嘉祐五年

契丹主洪基清寧六年

正月有星墜西南光燭地有聲如雷占者曰天狗河  
北都轉運使韓贄穿四界首二股渠分河流入金赤  
河

四月丙戌命三司使包拯等同議均天下田稅

五月戊子詔今後臣寮於內侍省御藥院內東門投  
進文字者令逐處申中書再取旨丁酉置寬恤民  
力司

六月乙丑詔戒上封者告訐人罪或言赦前事及言  
事官彈劾小過不關政體者乙亥遣官分行天下  
訪寬恤民力事戊寅廣西路奏交趾與甲峒蠻寇

邕州

七月癸巳詔知廣州蕭固等發兵討之知唐州趙



尚寬始勸民墾闢荒田諸路民多歸之

八月乙亥命集賢院學士余靖體量安撫廣西發兵討甲峒蠻甲申初置陝西監牧估馬司以轉運使薛向專領之乙酉罷諸路同提點刑獄使臣置江南東西等十一路轉運判官人報又言薛向事又言十一月辛卯詔御藥院內臣如當轉出外而特留者俟其出計所留歲月優遷之母得累寄所遷資序

辛丑嘉祐六年

契丹主洪基清寧七年

正月乙未詔兩制自今亦許與臺官相見

三月己亥富弼丁母喪去位 庚子罷大燕

四月辛酉諫官唐介趙抃御史范師道呂誨坐論樞密副使陳升之皆罷言職升之亦出知定州

五月丙戌官諸路所推遣行義文學之士顏復等七人詔禁契丹於界河捕魚

六月壬子朔日食

八月丁丑頒行新定轉運使副提點刑獄考績院條制

閏八月庚子韓絳加刑部尚書進昭文館大學士監

修國史樞密使曾公亮加吏部侍郎同平章事集賢殿大學士

九月丁丑城豐州

十月壬辰以太宗曾孫前右衛大將軍岳州團練使

英宗藩邸舊名為秦州防禦使知宗正寺緋以喪不拜

壬寅嘉祐七年

契丹主洪基清寧八年

正月乙亥詔南郊以太祖配為定制改溫成皇后廟為祠殿

四月壬午頒嘉祐編敕

八月丙子帝謂輔臣曰朕饗國日久而皇嗣未立皇

姪

英宗藩邸舊名

少養宮中朕之所愛今欲以為皇子是日

出手札付中書樞密院 己卯下詔立為皇子固辭

不受辛丑始入宮 癸未改賜皇子名 辛丑皇子

以肩輿入內 甲辰見上於清居殿

九月辛亥大享明堂祀昊天上帝五方位以真宗配

以五人帝五官神從祀餘皆罷 大赦

十月壬午詔后妃封贈皆及三代 乙酉火峒蠻儂

宗旦等請內屬 乙未詔以錢一百萬緡賜諸路常

平倉為余本

十二月丙申幸龍畜天章閣召輔臣從官諫官御史皇子宗室等觀祖宗御書又幸寶文閣為飛白書分賜從臣遂燕羣玉殿庚子再召從臣于天章閣觀瑞物復燕群玉殿賜禁中花金盞香藥又召韓琦至御榻前別賜酒一卮

癸卯嘉祐八年

契丹主洪基清寧九年

二月癸未上不豫

三月辛未崩于福寧殿

四月壬申朔未明輔臣入至寢殿 皇后定議召皇

子入喻以遺詔即皇帝位上固避數四左右被以御

服掖就御榻 癸酉大赦百官進官一等上欲亮陰

三年命韓琦攝冢宰輔臣皆以為不可乃止 乙亥

上不豫 丙午尊皇后曰皇太后 己卯詔候聽政

日請皇太后杖同處分 壬午輔臣入對于柔儀殿

西閣皇太后御內東門小殿垂簾輔臣覆奏政事

庚子立皇后高氏

五月戊辰初御延和殿

六月癸酉後以疾不出 丁丑廣太廟為八室 戊寅命三司使蔡襄為修奉太廟使

七月壬子始御紫宸殿退御垂拱殿中書樞密奏事 帝自六月癸酉不御殿至是始見百官

八月甲申環慶路奏夏人犯邊

十月乙酉脩太廟成 甲午葬仁宗于永昭陵

十二月己巳初御迓英閣召侍臣講讀經史

皇宋十朝綱要卷第六

皇宋十朝綱要卷第七

眉山 李 真 編

英宗體乾膺歷隆功盛德憲文肅武睿神宣孝皇帝諱曙濮安懿王第十一子母曰王夫人任氏天聖十年壬申歲正月三日生於宣平坊宅景祐二年養於禁中三年授太子左監門率府副率賜名宗實累遷右千牛衛大將軍寶元二年出居睦親宅皇祐二年遷左衛大將軍岳州團練使嘉祐六年十月辛卯起復遷泰州防禦使知宗正寺固辭 拜七年八月戊寅

立為皇子癸未改令諱九月遷齊州防禦使封鉅鹿  
 郡公入居皇子位八年四月壬申即位年三十二治  
 平四年上尊號曰體乾膺歷文武聖孝是月八日崩  
 於福寧殿年三十六八月二十七日葬永厚陵謚曰  
 憲文肅武宣孝廟號英宗元豐六年十一月加今謚  
 年號一

治平四

皇后一

宣仁聖烈皇后高氏

忠武軍節度使贈太師尚書  
 令兼中書令衛王瓊之曾孫

建雄軍節度使贈尚書令康王繼勳之孫北作  
 坊副使贈太師開封儀同三司陳王遵甫之女  
 慶曆七年三月歸於藩邸封京兆郡君嘉祐八  
 年四月立為皇后治平二年十一月行冊禮生  
 神宗皇帝吳王顥潤王顥益王顥惠和明憲  
 賢德懿行舒國四大長公主四年正月尊為皇  
 太后居寶慈宮熙寧二年四月行冊禮元豐八  
 年三月一日詔應軍國事權同行處分五日遺  
 制尊為太皇太后應軍國事權同行處分元祐  
 二年九月行冊禮八年九月三日崩年六十二  
 謚曰宣仁聖烈九年二月七日  
 陪葬永厚陵祔太廟 英宗室

嬪妃三

貴儀張氏

初封仁壽郡君元豐八年四月為才人  
 元符三年正月進婕妤大觀二年二月

進脩容政和元年  
 十月卒贈貴儀

昭儀鮑氏

元初封永嘉郡君元豐八年四月為才人

昭儀

備容張氏

元初封平昌郡君元豐八年四月為才人

進備

皇子三

吳王顥

初名仲紉嘉祐八年四月自右內率府副

觀察使封初國公治平元年六月加檢校太傅

四年正月加檢校太尉武昌武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

元初封永嘉郡君元豐八年四月為才人

昭儀

備容張氏

進備

皇子三

吳王顥

初名仲紉嘉祐八年四月自右內率府副

觀察使封初國公治平元年六月加檢校太傅

四年正月加檢校太尉武昌武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

元初封永嘉郡君元豐八年四月為才人

昭儀

備容張氏

進備

皇子三

吳王顥

初名仲紉嘉祐八年四月自右內率府副

觀察使封初國公治平元年六月加檢校太傅

四年正月加檢校太尉武昌武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

四年九月改武安等軍節度使

平章事武勝軍節度使封樂安郡王九月加興  
 元尹克山南西道節度使改封高密郡王熙寧  
 四年二月徙保信保靜軍節度使進封嘉王元豐  
 三年九月官制行換開府儀同三司進封曹王  
 哲宗即位不改武昌武安等軍遣守太保進封荆  
 王賜贊拜不名元祐元年二月改武寧鎮海等  
 軍遷守太傅四月改常德荆南等軍遷守太尉  
 真定江陵尹三年七月薨贈太師尚書令荆州  
 徐州牧追封魏王謚曰端獻比葬三臨其  
 喪元符三年三月贈兼中書令追封益王

公主四

魏楚國大長公主 嘉祐八年五月進封徐國十月降左衛

將軍王師約治平四年正月改封陳國長公主  
 元豐八年三月薨追封燕國大長公主賜謚惠  
 和元祐四年十二月追封秦國元符三年三月  
 追封魏國崇寧五年四月追封韓魏國大觀四月

十年三月改封魏楚國政和四年  
 十二月改封惠和長帝姬

魏國大長公主 嘉祐八年五月封寶安治平四年

七月改蜀國降左衛將軍王詵元豐三年五月  
 薨追封越國賜謚賢惠元祐元年十一月追封  
 大長公主元符三年三月追封秦國政和元年  
 三月追封荆國二年閏四月追封魏國四年三  
 月追封賢惠大長帝姬

韓魏國大長公主 嘉祐八年五月封壽康治平四

三年四月改衛國五月降左衛將軍張敦禮元  
 豐八年四月進封冀國大長公主紹聖二年十  
 月改秦國元符三年二月改魏國越國大觀元  
 月改楚國二年二月改魏國越國大觀元正  
 魏國政和三年閏四月特改封賢德  
 懿行大長帝姬宣和五年三月薨

舒國大長公主早薨元符三年追封舒國大長帝姬

宰相二人

韓琦 曾公亮

叅知政事二人

歐陽脩 趙槩

樞密使三人

張昇 富弼 文彥博

樞密副使五人

王疇 呂公著 胡宿

吳奎 陳升之

同簽書樞密院事一人

郭遠

使相十人

皇伯允弼 皇叔允良 皇叔允初

曹佺 賈昌朝

富弼 宋庠 張昇

李日尊 文彥博

三司使三人



三曰蔡三襄

呂公弼

韓絳

學士院九人

王珪

賈黯

范鎮

蔡襄

馮京

王疇

張方平

錢明逸

沈遇

舍人院十二人

王安石

鄭獬

錢公輔

張璪

祖無擇

邵必

王陶

沈遇

宋敏求

御史中丞四人

韓維

蔡抗

邵亢

王疇

唐介

賈黯

彭思永

諫官十人

王陶

呂誨

傅堯俞

邵必

蔡抗

司馬光

陸誥

李受

邵亢

傅卞

御史二十二人

趙瞻

王疇

傅堯俞

唐介

趙鼎

龔鼎臣

林大年

呂大防

賈黯

呂誨

彭思永

范純仁

孫昌齡

郭源明

蘇宋

黃照

吳申

蔣之奇

馬默

劉庠

韓鎮

陳經

進士

治平二年取進士彭汝礪等二百人

治平四年取進士許安世等二百五十人

外改廢置州府

治平二年升齊州為興德軍

治平四年復綏州

誕節

壽聖

神御殿

治隆

治隆

治隆

治隆

治隆

治隆

治隆

治隆

治隆

英宗

甲辰治平元年

契丹主洪基清寧十年

正月丁酉朔改元

辛酉以仁宗配明堂

甲寅以

知唐州趙尚寬脩復渠堰增佃者二千餘戶進一官

賜錢二十萬

四月甲午始出幸寺觀祈雨上久不豫至是士庶瞻

望謹呼相慶

五月己亥濬三股五股河 戊申皇太后出手書還

政 庚戌上始日御前後殿視事如故 丙辰上皇



十朝紀事 卷七 九  
五百八十人 乙未詔中外臣寮並許上實封言時  
政闕失及當世之利害

十月己亥喃廝囉卒董璫襲位其弟瞎毡磨毡角各  
擁衆據城邑於是喃氏地分為三 初娶宗室女者  
除文官委主婚者訪問家世不復使內侍省覆驗  
十一月壬申上祀天地于圓丘大赦

丙午治平三年

遼主洪基咸雍二年

正月癸酉契丹國號改稱大遼 丁丑皇太后出手  
書付中書門下令上於濮安懿王稱親尊濮安懿王

為濮安懿皇王氏韓氏任氏並稱后是日上出手詔  
止稱親仍辭追崇之命 辛巳詔避濮安懿王諱  
御史呂誨范純仁呂大防等生論執政欲追尊濮王  
事皆罷言職

三月庚申彗星晨見於室 辛酉諫官傅堯俞御史  
趙鼎趙瞻亦坐論濮王事 罷 辛巳彗昏見於昴  
如太白長丈有五尺壬午享於畢如月

五月乙丑彗沒 戊辰帝謂宰相曰朕欲與公等從  
容日講治道中書常務可歸諸有司自<sub>是</sub>載以狀奏有

定制者付有司行之  
九月壬子朔日食癸亥詔待制以上六歲一遷至  
諫議大夫止京朝官以上四歲一遷至少卿監限七  
十員缺則以郎中次補之其擢任有功若特恩皆不  
用此法庚辰詔自今妃嬪公主以下非有服親若  
有服親之夫毋得奏薦夏人舉兵寇大順城環慶  
經畧使蔡挺使蕃將趙明與官軍合擊却之夏主諒  
祚中流矢遁去又寇柔遠寨副都總管張玉擊敗之  
十月癸未遣西京左藏庫副使何次公齎詔責之夏

主諒祚謝罪稱邊吏所為丁亥詔禮部三歲一貢  
舉命簽書樞密院事郭達宣撫陝西甲午詔宰  
臣叅知政事舉才行士可試館職者二十人  
十一月戊午上不豫  
十二月壬寅立皇子頴王為皇太子癸卯大赦  
丁未治平四年遼主洪基咸雍三年  
正月辛亥詔民間先私造寺觀及三十間者悉存之  
賜名壽聖丁巳上崩於福寧殿遺制皇子即皇帝  
位尊皇太后為太皇太后皇后為皇太后

二月乙丑立皇后向氏 戊子進李日尊為南平王  
壬辰詔自今尚帝女者毋得躐升尊行令公主行  
見舅姑之禮

三月戊子御史中丞彭思永御史蔣之奇以論叅知  
政事歐陽脩惟箔事不實思永降知黃州之奇監道  
州稅 甲寅陝西宣撫使郭達奏蕩平党令征築撥  
吳川青鷄川二堡

閏月甲申夏國主諒祚遣使謝罪 庚子詔中外直  
言當世之務及朝廷闕失 築荔原堡

四月辛酉詔内外上封事令張方平司馬光詳定以  
聞 丙寅分遣天章閣侍制孫永等四人體量安撫  
陝西河北京東京西路 庚午御史中丞王陶坐劾  
宰相韓琦不押班出知陳州 詔建寶文閣藏仁宗  
御集

五月癸未詔春分秋分後辰時上垂拱殿視事未退  
宰臣更不過文德殿押班 乙巳詔寶文閣置學士  
直學士侍制官以翰林學士呂公著知制誥邵必同  
知諫院傳卞為之 辛未詔天下官吏有能知徭役

利病可議寬減者實封以聞役法之議始於此 乙亥以御史張紀言詔中書樞密院細務各歸之有司 八月戊午復西夏和市 癸酉葬英宗皇帝于永厚陵 九月壬午祧僖祖及文懿皇后 辛丑韓琦罷為守司徒兼侍中使相判相州 十月己酉初御邇英閣召侍臣講讀 甲寅賜翰林學士司馬光資政通鑑序 癸酉知青澗城种諤舉兵復綏州虜將冤名山迎降

十一月戊寅詔以星變地震令百僚轉對極論時政得失 丙戌詔二府初拜各舉所知自今宜各言其人才業所長堪任何事 癸卯夏人誘殺知保安軍楊定并侍其臻張時庸等

十二月辛酉以來歲日食正旦自乙丑避殿減膳罷稱賀 壬戌詔起居日增轉對官二人 丙寅詔天下以囚死之多寡定吏罪具為令 丁卯詔中書舉行日食百司守職之法



皇宋十朝綱要卷第七

皇宋十朝綱要卷第八

眉山李壘編

神宗體元顯道法古立憲帝德王功英文烈武欽仁聖  
孝皇帝諱頊 英宗長子母曰宣仁聖烈皇后高氏  
慶歷八年戊子歲四月十日生於睦親宅是年八月  
授太子右內率府副率賜名仲鍼累遷右千牛衛將  
軍嘉祐八年四月遷安州觀察使封光國公九月遷  
特進檢校太傅忠武軍節度使同中書門下平章事  
封淮陽郡王改今諱治平元年六月進封潁王三年

十二月立為皇太子四年正月八日即位年二十元  
豐八年三月五日崩于福寧殿年三十八十月六日  
葬永裕陵在河南府永安縣謚曰英文烈武聖孝廟  
號神宗紹聖二年九月加謚曰紹天法古運德建功  
英文烈武欽仁聖孝崇寧三年十一月改謚曰體元  
顯道帝德王功英文烈武欽仁聖孝政和三年十一  
月加上今謚

年號二

熙寧十

元豐八

皇后三

欽聖憲肅皇后向氏

故相贈太師追封楚王敏中

後贈太師開府儀同三司尚書令兼中書令魏  
王經之女治平三年三月歸于潁邸封安國夫  
人四年二月立為皇后生淑懷長公主熙寧二  
年四月行冊禮元豐八年三月尊為皇太后居  
慈德宮元祐二年九月行冊禮元符三年正月  
權同處分軍國事六月二十日降手書還政  
建中靖國元年正月十三日崩年五十六謚曰  
欽聖憲肅五月六日陪葬永裕陵附太廟  
神宗室

欽成皇后朱氏

贈太保士安之女初入宮為御侍

月進婕妤好元豐二年九月進昭容五年八月封  
賢妃七年正月進封德妃八年三月尊為皇太

妃居瑞聖宮元祐二年九月行冊禮生哲宗

皇帝楚王似賢穆賢康賢孝賢宜賢靜五長公

主后本姓崔父傑幼育於任廷和家最後依朱

氏紹聖中訪知其故時以姓氏已布中外不

復歸姓唯贈傑廷和昏為太師崇寧元年二月十

月二十日陪葬神宗室永

裕陵祔太廟

欽慈皇后陳氏元豐五年十一月進才人八年御侍

嬪妃十一

月進美人生徽宗皇帝元祐四年六月二十

八日崩年三十六七月贈充儀紹聖三年四月

月徽宗以遂寧郡王出閣贈貴儀元符三年正

日追號皇太妃建中靜國元正五月十七日追

尊為太后謚曰欽慈初葬多慶院五月六

日陪葬永裕陵祔太廟神宗室

貴妃邢氏初為御侍熙寧二年四月封永嘉郡君

年二月進淑妃元符三年正月進貴妃崇寧三年

四月進淑妃元符三年正月進貴妃崇寧三年

十月薨車駕臨奠賜謚曰懿穆生惠

王僅冀王個豫王价徐王個

貴妃武氏初為御侍元豐五年八月進婕妤元符三

貴妃宋氏

熙寧二年十一月為才人六年四月進

儀紹聖四年二月進賢妃元符三年正月進德

妃大觀二年二月進淑妃政和三年三月進貴

貴妃林氏 初為御侍元豐五年八月封永嘉郡君

祐和三年正月卒贈貴儀元符四年四月封賢妃

長公主

淑妃張氏 初為御侍熙寧二年四月封仁壽縣君

好元符三年正月進才人元豐八年四月進婕妤

賢妃馮氏 初封始平郡君元豐八年四月進才人

容崇寧元年二月卒贈賢妃

賢妃楊氏 崇寧四年八月詔以永裕陵

婕妤朱氏 初封南陽郡君元祐七年三月卒贈美

婕妤錢氏 初封廣平郡君元豐八年四月進美人

十月卒建中靖國元年正月追復美人五月贈婕妤

婕妤郭氏 初封淮陽郡君元符三年正月為才

昭儀勾氏 初封仁壽郡君元豐八年四月為才人

進婕妤好政和六年贈昭儀

皇子十二

成王侑 熙寧二年十一月生閏月薨元符三年三

惠王儆 熙寧四年五月生是月薨元符三年

唐王俊 熙寧六年四月生七年四月賜名授檢校

書月改彰德軍十年十月薨贈太師尚書令燕中

唐王

褒王伸 熙寧七年五月生次日薨元符三年

冀王侗 熙寧七年六月生九月賜名授鎮安軍節

書令冀王謚曰冲孝元符三年

豫王侂 熙寧十年正月生元豐元年正月賜名授

師尚書令追封衛王謚曰悼惠元符三年

徐王侂 元豐元年十一月生四年五月薨追賜名

書令追封徐王

吳王佖 元豐五年七月生六年閏六月賜名授檢

宗即位加開府儀同三司進封太寧郡王紹聖

年三月改保平泰寧軍遷守司空元符三年正

月徽宗即位改永興成德等軍京兆真定尹

遷守太傅進封陳王賜贊拜不名九月改荆南

淮南遷守太尉荆州揚州收建中靖國元年十

二月賜詔書不名崇寧二年五月改河東山

東西道遷守太師太原興元收三年十二月賜

入朝不趨五年十一月薨朝七日贈尚書令

儀王偉 元豐五年生次日薨元符三年三月

燕王僕 元豐六年九月生七年八月賜名授檢校

加開府儀同三司進封成寧郡王紹聖五年三月  
 月出閣改河陽三城雄武等軍進封華王元符  
 二年三月改武寧鎮寧等軍遷守太保司空三年  
 宗即位改河東奉寧等軍遷守太保太原尹進  
 封衛王九月改護國山南西道等軍河中興元  
 尹崇寧二年五月改鎮海泰寧等軍青州兗州  
 收大觀元年正月改淮南安武軍揚州冀州牧  
 進封魏王二年正月改永興成德等軍遷守太  
 尉雍王鎮定收進封燕王政和三年正月廷太  
 傅靖康元年三月改河東劍南西川遷太師太  
 原成  
 都收

楚王似檢校太尉集慶軍節度使封和國公賜名授

宗即位加開府儀同三司進封普寧郡王紹聖  
 五年三月出閣改橫海鎮海等軍進封簡王元  
 符三年八月徽宗即位改保平鎮安等軍遷守司徒  
 進封蔡王

改鳳翔雄武等軍鳳翔尹崇寧二年五月改荆  
 南武寧等軍荆州徐州牧五年三月薨報朝七  
 日贈太師尚書令兼中書令冀州牧追封韓王  
 比葬四臨其喪仍御書御製挽詞二首賜之大  
 觀元年正月追封  
 楚王謚曰榮憲

越王德元豐八年八月生元祐元年八月賜名授

五月加開府儀同三司紹聖五年三月改武安  
 鎮安集慶等軍進封睦王徽宗即位改  
 武寧武勝等軍遷守司徒進封定王九月改清海  
 鎮海等軍崇寧元年三月改成德真定武勝等  
 軍遷守太保真定尹二年五月改淮南永興等  
 軍揚州雍州牧大觀元年正月改荆南泰寧等  
 軍荆州兗州牧進封鄧王二年正月改鳳翔山  
 南西道遷守太尉鳳翔興元收進封越王政和  
 三年正月遷太傅靖康元年三月改永興成德

等軍遷太師  
雍州真定牧

公主十

周國長公主 熙寧元年二月薨 追封燕國元禧公主 元豐元年三月

追封周國長公主 賜諡淑懷長帝姬 和

楚國長公主 熙寧三年十二月薨 追封吳國元慶公主 元豐三年

十月追封楚國長公主 政和四年

唐國長公主 熙寧八年四月進封溫國長公主 元祐七年

年二月進封曹國 是月降左衛將軍韓嘉彥元

符三年改冀國 崇寧二年五月改燕國 政和元年十一月薨 追封唐國 賜諡賢穆 四年十二月改封

賢穆長帝姬

潭國長公主 元豐八年四月封康國長公主 紹聖

軍王名犯 徽宗廟諱元符三年二月改韓國

崇寧二年五月進封魯國 大觀元年正月改陳

鄆國長公主 元豐八年二月薨 追封惠國公主 元

五年正月改封賢康長帝姬

潞國長公主 元豐七年四月薨 追封莘國公主 元

四年十二月改封賢穆長帝姬

邢國長公主 元豐七年正月薨 追封申國公主 元

四年十二月改封賢令長帝姬

邠國長公主 元豐八年四月封沂國長公主 十月

改封賢宜長帝姬 二月 元符三年二月追封邠

兗國長公主 元豐八年四月封嘉國長公主 元祐

二月追封兗國政和四年十月 追封蔡國元符三年二

徐國長公主 元豐八年四月封慶國崇寧二年五月封

益國三年十二月降左衛將軍潘意封冀國大

觀元年正月封蜀國二年二月封徐國政和三

宰相九人

五年閏四月改封柔惠帝姬政和

韓琦 魯公亮 富弼

韓絳 王安石 陳升之

吳充 王珪 蔡確

參和政事十五人

歐陽脩 趙鼎 吳奎

張方平 蔡確 趙抃

唐介 韓絳 馮京

王珪 章惇 張璪

王安石 呂惠卿 元絳



樞密使五人

文彥博

呂公弼

陳升之

吳充

馮京

馮京

樞密副使十人

陳升之

呂公弼

韓絳

邵元

馮京

吳充

蔡挺

王韶

孫固

呂公著

王堯

王堯

尚書左僕射一人

曾公亮

曾公亮

王珪

尚書右僕射一人

蔡確

蔡確

蔡確

門下侍郎一人

章惇

中書侍郎一人

張璪

尚書左丞二人

蒲宗孟

王安禮

尚書右丞二人

尚書王安禮

李清臣

知樞密院事四人元豐三年官制行

陳升之

馮京

孫固

韓 縝

同知樞密院事五人

孫 固

呂公著

薛 向

韓 縝

安 燾

簽書樞密院事一人

曾孝寬

同簽書樞密院事二人

郭 逵

使相十五人

皇伯祖允弼

皇伯宗諤

皇伯宗樸

皇伯宗旦

皇伯宗暉

皇弟顥

皇弟顥

曹 佺

富 弼

張 昇

韓 琦

文彥博

陳升之

王安石

李日尊

三司使十四人自元豐五年改官制以戶部尚書領邦計罷三司使自是不復除

韓絳 唐介 邵必

王陶 吳充 李肅之

薛尚 曾布 元絳

章惇 沈括 李承之

趙鼎 高 安 燾

學士三十四人直學士院同

錢明逸 呂公著 司馬光

沈 遇 王安石 張方平

王珪 鄭獬 馮京

滕甫 范鎮 王陶

韓維 吳充 元絳

楊繪 陳繹 曾布

呂惠卿 鄧綰 章惇

許將 沈括 鄧潤甫

孫洙 安燾 蔡確

蒲宗孟 蔡延慶 李定

張璪 李清臣 王安禮

舒亶

給事中六人 元豐五年四月始除

舒亶

徐禧

李承之

陸佃

韓忠彥

蔡卞

知制誥四十五人 直舍人院同

韓維

邵亢

呂夏卿

滕甫

王安石

邵必

鄭獬

陳薦

楊繪

錢公輔二

吳充

李大臨

蘇頌

宋頌

宋敏求

陳襄

蔡延慶

王益柔

沈起

呂大防

李壽朋

孫洙

鄧綰

陳繹

曾布

許將

鄧潤甫

李定

呂惠卿

章惇

章衡

沈括

錢藻

張諤

熊本

蒲宗孟

張璪

蔡確

黃履

李清臣 王安禮 沈季長

舒亶 王存 徐禧

中書舍人十人 元豐五年四月始除

曾鞏 趙彥若 蹇周輔

蔡卞 蔡京 陸佃

楊景畧 錢勰 王震

范百祿

御史中丞十六人

彭思永 王陶 司馬光

滕甫 呂誨 呂公著

韓維 馮京 楊繪

鄧綰 鄧潤甫 蔡確

李迓 徐禧 舒亶

黃履

諫官三十八人 自元豐六年九月置左右司諫議大夫止

其右正言止除蹇序辰一人 右司諫止除蹇序辰一人

李受 滕甫 邵亢

傅卞 趙抃 劉庠

陳薦 吳充 楊繪

孫覺 錢公甫 吳申

呂誨 范純仁 陳襄

李十常 胡宗愈 孫洙

鄧綰 張琥 唐垌

常秩 吕惠卿 鄧潤甫

范百禄 許將 黄履

蔡確 徐禧 李定

張璪 舒亶 黄顔

蔡卞 朱服 趙彥若

王亘 蹇序辰

御史六十八人 侍御史 御史知雜事 侍御史 殿中侍御史 監察御史 御史中丞 御史行 皆同

蘇棗 劉述 吳申

吕景 張紀 劉庠

蔣之奇 唐淑問 張唐英

錢顛 劉琦 張戩

陳襄 程顛 孫昌齡

王子韶 李定 謝景温

薛昌朝

林旦

范育

李堯言

鄧紹二

李寔

劉摯

黃好謙

蔡確

唐垌

劉孝孫

張商英

盛陶

丁執禮

黃履

張琥

王圭

徐禧

陳睦

蔡承禧

舒亶

彭汝礪

周尹

黃庶

上官均

何正臣

黃顏

滿中行

范鏜

王祖道

豐稷

朱服

字文昌齡

黃降

蔡卞

王元

頓起

楊畏

翟八思

張汝賢

趙夙

陳師錫

蹇序辰

劉余拯

安享

朱京

来之邵

陳次升

邵材

邵

進士

一月圖要

卷八

五

治平四年取進士許安世等二百五十人

熙寧三年取進士葉祖洽等二百九十五人

是歲殿試始以策  
問罷詩賦論三題

新志

熙寧六年取進士余中等四百人

熙寧九年取進士徐鐸等四百二十二

元豐二年取進士時彥等三百四十八人

元豐五年取進士黃裳等四百四十五人

元豐八年取進士焦蹈等四百八十五人

廢置升改州府

熙寧元年五月廢慶成軍

二年十月廢綏州為綏德城

三年復銀州尋棄之廢憲州通利清平定化軍

四年廢南儀賓州廣濟漢陽江陰軍

五年五月以古渭寨置通遠軍八月以武勝軍

八為鎮洮軍十月升鎮洮軍為熙州鎮洮軍節

度廢集壁鄭滑儀乾慈蒙八州連水高郵光

化永康四軍降陵州為陵井監

六年十月壬辰廢復春梅儋崖萬安州荆門軍



復河州岷州  
七年二月廢遼州  
四月以懿州為沅州  
置溱

州

八年十一月以渝州南川縣銅佛堪置南平軍

九年四月復置永康軍築下溪州以為會溪城

十二月置威戎軍置誠州

十年二月以廣源州為順州  
四月復置憲州永

靜軍

元豐二年八月升潁州為順德軍

三年正月升許州為潁昌府

四年八月復置滑州復蘭州

五年改通遠軍為州以定西軍為通遠軍築汝延

堡為定西城

此事孫從李憲奏請然迄不成

十二月復置梅

州

七年五月以邕州延泉寨置富州

誕節

同天

神御殿

神宗

同天二月庚子朔日食改元

嘉靖

又辛丑月以豐州兵東來置豐州

九月四日置豐州

豐州置西州

五月始置西州

四年八月置豐州

皇宋十朝綱要卷第八

皇宋十朝綱要卷第九

眉巖山 李 壘 編

神宗 神宗 神宗 神宗 神宗 神宗 神宗 神宗 神宗 神宗

戊申熙寧元年 遼主洪基咸雍四年

正月甲戌朔日食改元 丁丑以旱詔輔臣極言闕

失詔朝日之國主土喜

二月丁未詔河朔繕固守備 辛亥令諸道每季上

雨雪三丙辰种諤坐擅興罪奪四官安置隨州

三月庚辰夏國主諒祚卒子秉常遣使薛宗道來告

哀上令河北轉運使韓縝喻旨欲取彼國親貴任事  
首領三五人自朝廷除官仍割歲賜五萬充俸又喻  
當以綏州還賜却使歸安遠塞門二塞宗道頓首受  
命請歸白之國主上喜 戊子作太皇太后慶壽宮  
皇太后室慈宮  
四月乙巳翰林學士王安石越次入對言為治當以  
擇術為先今須每事以堯舜為法 庚申詔從判太  
常侍龔昇臣議令經筵立講  
五月辰國子監以九百人為額

六月乙丑河決棗強 丙寅命翰林學士司馬光御

史中丞滕甫裁定國用

七月詔謀殺已傷按問欲舉自首從謀殺減二等論

已卯以觀文殿學士陳升之知樞密院事樞密院

並置使副知院自此始 甲申京師地震乙酉又震

辛卯詔以河北地大震飭並邊警備及刺探北虜

動息 壬辰遣御史中丞滕甫知制誥吳充安撫河

北 癸巳決深州溢水 降德音河北路 己亥河

溢瀛州

八月壬寅京師地震甲辰又震 甲子詔中書門下  
考藝祖子孫屬近而行尊者一人裂地王之使常從  
獻於郊廟世世勿絕 乙丑復行崇天歷 丙寅詔  
自今館職止試策論

九月封太祖曾孫從式為安定郡王 乙酉置南北  
監牧使 丁亥減后妃二府臣僚以下蔭補恩

十月乙卯出奉宸庫珠付河北市馬

十一月丙戌廢南郊青城後苑 丁亥上祀天地於

圓邱大赦

十二月壬寅詔自今從中批降事須覆奏乃行 庚  
常更遣使羅重進來言主上方以孝治天下柰何反  
教夏國之臣叛其君朝廷乃罷分賜酋豪之議止令  
歸塞門安遠二寨還賜以綏州重進凡三往返議之  
至是始奉表聽從 庚戌賜秉常詔許行封冊 庚  
申民李宏獻弓式射二百四十步製成賜名神臂弓  
己酉熙寧二年 遼主洪基咸雍五年

二月己亥觀文殿大學士左僕射集熙觀使富弼以  
本官兼門下侍郎同平章事昭文館大學士

庚子以翰林學士王安石為參知政事安石勸上以今日變風俗立法度最急甲子陳升之王安石制置三司條例

三月戊子秉常上誓表賜以誓書

四月群臣再上尊號詔答以臨御三年災變屢出可亟罷此議勿以虛名浼予甲辰詔以大河決溢地震相仍方夏大旱自乙巳避殿減膳撤樂罷同天節上壽令群臣勉脩厥職以圖脩復又詔諸路封事休日並以聞丙辰詔侍從官各極言上躬過失朝

廷缺政丁巳遣都官員外郎劉彛等八人分使諸路察農田水利賦役戊午詔兩制兩省御史臺三司三館臣寮共議貢舉法

五月甲午定縣令考績之法分上中下三等

六月丁巳御史中丞呂誨坐論王安石十罪出知鄧州

七月乙巳朔日食罷義倉法壬申詔自今以恩

遷官不隔磨勘自比部員外郎黃汾始辛巳罷兩府初拜奉官三員立淮浙江湖六路均輸法令發

運使薛向領之

八月乙未朔詔謀殺人自首及案問欲舉並依今年  
二月十七日勅施行 御史劉述劉錡錢顛諫官范  
純仁坐論王安石癸卯錡顛貶監當丙午純仁罷諫  
職尋出知河中府述尋知江州 戊申河決東行  
九月丁卯立常平給歛法首行于京東河北淮南三  
路 戊辰出納庫緡錢百萬糴河北常平倉粟 乙  
亥置河北陝西提舉常平廣惠倉官命太常博士王  
廣庶等為之 丙子推行常平廣惠倉法於諸路

己卯詔發運使兼提舉九路坑冶市舶立坐倉  
之法 辛卯廢奉慈廟 是月大核軍核額總陝西  
馬步軍五百四十五營併為三百五十營京師及畿  
甸諸路省併如陝西法

十月丙申富弼罷為使相判亳州魯公亮進昭文館  
大學士監脩國史知樞密院事陳升之加禮部尚書  
同平章事集賢殿大學士詔升之位樞密使文彥博  
下改綏州為綏德城不復以易二寨 甲辰詔以  
步軍副都指揮使朱守約為簽書樞密院事宰相曾

公亮等力爭以為不可遂止 丙辰詔三院御史及裏行有公事並許直申閣門上殿

十一月乙丑叅知政事韓絳同制置三司條例 甲戌詔宗室子弟服疎親盡才藝可錄在隨器官使之至任子之令婚姻之儀宜一用外官制自是祖宗子孫之後世襲惟袒免親補外官非袒免親罷賜名授官 乙亥諸路並署提舉常平廣惠倉官 丙子罷諸路提刑武官 頒農田水利約束 己卯比部郎中張仲宣犯枉法贓特免決興點面流賀州自是命

官無杖黥者 先是御史王子韶被旨体量知明州苗振在官不法事子韶又言知杭州祖無擇亦有奸利

閏十一月庚子遣使鞠無擇獄於秀州振獄於越州十二月詔復減后妃公主及臣僚蔭補恩澤 癸酉增失入死罪法 丙戌增置三京留司御史臺同判國子監官及諸宮觀官以處卿監監司知州老不任職者 是月始令諸路預給錢和買紬絹

庚戌熙寧三年

遼主洪基咸雍六年

正月乙卯詔諸路給發青苗錢毋得追呼抑配令提  
點刑獄官察之違者以名聞寘諸罰其有敢沮遏願  
請者案罰亦如之

二月壬申以翰林學士司馬光為樞密副使光以議  
新法不合九辭庚申收還制命 是月韓琦上疏極  
言青苗之害上大悔悟安石辨執堅甚且力辭位以  
邀上上亦固留之安石始出視事

三月己亥御集英殿始策進士罷詩賦論三題 是  
是月諫官孫覺御史程顥皆坐論新法不便覺出知

廣德軍灝提奉京西刑獄 丙辰立試刑法官法

四月御史中丞呂公著著御史張戢諫官李常皆坐論  
新法不便戊辰公著出知潁州常通判滑州戢知縣  
知制誥宋敏求以繳還秀州推官李定除御史詞命  
罷職以本官奉朝請 是月西人犯延州綏德城入  
堡

五月辛卯始置直舍入院官以授同脩起居注陳襄  
為之襄不受 乙未以命同脩起居注蔡延慶集賢  
校理王益柔為之 壬寅詔三館看詳轉對封章



癸卯知制誥蘇頌李大臨以連緜還李定詞命皆罷  
歸本班 甲辰罷制置條例司歸中書 丁巳置審  
官西院專領閣門祇候以上至諸司使差遣磨勘樞  
密使文彥博力爭之不從 是月夏人大率入寇慶  
州築開訛堡知慶州李復圭遣鈐轄李信等擊之敗  
還復圭又遣將梁從吉別攻夏人金湯白豹等寨破  
之 判延州郭達遣將燕達等攻夏人八堡克其二  
虜遁去

六月甲戌御河成

十七月丙午詔中書考察內外官司置簿記功過歲終  
及因非次除授比較進呈 癸丑祖無擇獄具責散

十官

八月辛酉苗振獄具責散官 戊寅詔川陝福建廣  
南七路之官罷任迎送勞苦其令轉運司立格就注  
免其赴選具為令 庚辰夏人大舉趨環慶奪大順  
城水寨慶州鈐轄郭慶都監高敏戰死虜兵屯採林  
距慶州四十里游騎至城下陝右大震 癸未增諸  
倉役人祿 立白取重法

九月戊子朔置中書檢正五房公事官一員每員各置  
檢正公事二員 乙未命叅知政事韓絳宣撫陝西  
以皇城使李綬為樞密副都丞旨副都丞旨用士人  
自此始 己亥命判大理寺崔台符等攷試法官試  
法官自此始 庚子曾公亮罷為司徒使相集禧觀  
使 癸丑作東西府以居執政 己卯韓林學士范鎮  
十月戊寅陳升之以母喪去位 己卯韓林學士范鎮  
以言不行守本官致仕 十一月乙未詔文武官大兩省正任刺史以上可憂服

闕更不別給勅告 乙卯韓絳兼宣撫河東

十二月己未詔立諸路更戍法 乙丑以管勾開封府  
界常平廣惠倉趙子幾定畿縣保甲法其後遍行於  
諸路蓋始於此 丁卯韓絳王安石並同平章事絳  
昭文館大學士安石監脩國史 丁丑增廣南攝官  
俸

辛亥熙寧四年

遼主洪基咸雍七年

正月乙未渝州夷李宗吉等叛殺巡檢李宗閔是  
月築囉兀城撫寧堡

二月丁巳朔罷詩賦及明經諸科以經義論策試進士置京東西河東河北陝西路學官甲戌夏人陷撫寧堡庚辰慶州廣銳卒吳達擁眾叛知州王廣淵部將姚兕林廣討平之

三月丁亥夔州路轉運使孫紹先判官張銳奏討平渝州夷賊李承秀等斥地七百里癸卯奔囉兀城丁未韓絳罷以本官知鄧州

六月甲戌判亳州富弼坐格常平罷使相為尚書左僕射判汝州

七月辛未河決北京丁酉御史中丞楊繪御史劉摯坐論助役不便繪罷知鄭州摯監衛州鹽倉

八月高麗自天聖八年脩貢之後絕不通中國者四十五年至是其國王徽始復遣使脩貢丙寅入見

九月辛卯大饗明堂以英宗配大赦庚子夏主秉常遣使入貢上表仍求綏州癸卯選擇人倖

十月壬子朔罷差役法使民出錢募役立選人及任子試出官法丙辰置樞密院諸房檢詳文字官

以館閣校勘王存等四人為之戊辰立太學生內

外上舍法 丁亥作中太一宮 壬寅開洪澤河達  
於淮 是月蠲民貸糧一百六十萬石錢一十萬緡  
十二月戊午歸夏俘

壬子熙寧五年 遼主洪基咸雍八年

二月壬子以兩浙水賜穀十萬石振濟仍募民興水利

三月甲午交趾來告李日尊卒子乾德嗣 用草澤  
魏繼宗言詔以內藏庫錢置市易務于京師命戶部  
判官呂嘉問提舉

四月辛未塞北京決河

五月立宗室非袒免親應舉法

六月癸亥詔以四場試進士 丙寅作京師諸門銅

魚符 乙亥置武學

七月壬寅以秘閣校理曾孝寬兼樞密都丞旨樞密  
都丞旨用文臣為之自孝寬始 併吏部南曹入流

內銓

閏七月庚戌遣中書檢正戶房官章惇察訪荆湖北  
路始經制南北江 乙卯詔入內供奉官以下私養

次子為內侍者斬 壬午武學生員以百人為額

八月甲申秦鳳路緣邊安撫王韶舉兵出塞復武勝軍士長以為鎮洮軍 己亥詔分京東西路為南北

兩路 甲辰王韶破西蕃首領河州刺史木征于鞏令城

九月癸丑許宗室試授文資自令鑠始 丙寅少華

山崩 丁卯分淮南為東始兩路

十月戊戌以熙河洮岷通遠軍為熙河路

十一月庚申荆湖察訪章亨檄喻洞蠻開梅山地奏

得田二十六萬餘畝 御史張商英劾密院黨比吏

人任遠等十二事樞密使文彥博等皆不入院送印

於中書乞付有司推治 丁卯責商英監荆南稅

壬申分陝西為永興鄜延環慶涇原秦鳳熙河六路

仍各置經畧司

十二月丙申以梅山地置安化縣

癸丑熙寧六年 遼主洪基咸雍九年

正月辛亥奉禧祖為太庙始祖以配感生帝遷順祖

神主藏夾室

二月丙申熙河經畧王韶舉兵克河州獲木征妻子  
三月庚戌置經義局訓詩書周禮義 丙辰以太史  
言正陽之朔日食自丁巳避殿減膳 己未詔中書  
選舉諸路學官 壬戌夏人寇秦州都巡檢劉惟吉  
敗之 戊辰置諸路檢法官 授李乾德本道節度  
交趾郡王 是月木征復入河州 乙亥置律學 庚寅中太  
四月甲戌朔日食不見 乙亥置律學 庚寅中太  
一宮成 是月瀘州晏夷叛犯清井監 乙丑遂  
五月癸丑遣中書檢正官熊本往体量之 乙丑遂  
州都監景思忠討晏夷戰不利死之 戊辰令民輸  
免行錢

六月己亥置軍器監

七月丁巳詔沿邊吏殺熟戶以邀賞者戮之 乙丑  
分河北監司為東西路

八月戊戌復比閭族黨之制頒行義勇保甲及養馬  
法 王韶舉兵克洮州繼復河州遂城之

九月至馬練川拔宕州 戊午岷州首領木令征以  
州來獻疊洮二州酋渠相繼皆聽命是役軍行五十

四日涉千八百里得州五關地東西千里  
十月辛未湖南北察訪章惇進兵平懿洽州蠻斬蠻  
酋田元猛辛巳以復熙河岷洮壘宕州受群臣賀  
上解所服玉帶賜王安石壬辰行折二錢  
十一月丁未宦者黃懷信始獻濬川把法  
十二月以洪州進士徐禧為節度推官中書戶房習  
學公事以選人習李行檢正事自禧始

皇宋十朝綱要卷第九

皇宋十朝綱要卷第十上

眉山李壘編

神宗

甲寅熙寧七年

遼主洪基咸雍十年

正月甲子熊本奏平瀘夷得地二百四十里以夷酋

甫望個恕知歸來州

二月乙未河州團練使景思立與西蕃首領木征青

宜結鬼章戰於踏白城死之

三月癸卯以旱避殿減膳庚戌以兩浙路察訪沈

括言罷兩浙路增額預買紬絹十二萬 丙辰遼主遣其臣林牙蕭禧來致書大意言河東路沿邊增脩戍壘起鋪舍侵入彼國爲應朔三州界內乞行毀撤別立界至 壬戌詔遣太常少卿判三司開拆司劉忱檢詳樞密院兵房文字呂大忠會其臣樞密副使蕭素等於代州境上共議之 甲子遣天章閣侍制韓績報聘於遼 乙丑以早下詔責躬令中外實封指陳缺政

四月辛未立方田法 癸酉詔權罷災傷路方田編

排保甲造五等簿等是日雨 甲戌監安上門鄭俠上流民圖上覽圖憂嘆出以示輔臣王安石遂乞避位 乙亥王韶破西蕃于結河川甲申又大破之于銀川 乙酉築珂諾城西蕃首領木征降 丙戌王安石罷爲觀文殿大學士知江寧府知大名府韓絳復以吏部侍郎爲同平章事監脩國史 丙申遼主遣蕭素來代州境上與劉忱等共議疆事 是月遷三司鹽鉄判官李杞勾當公事蒲宗閔等入蜀買場買茶應奉秦鳳熙河路博馬自是蜀茶始行權法



五月辛亥罷賢良方正等科

七月乙卯用曲陽尉呂和卿議始行手實法

九月癸丑用樞密副使蔡挺議置京畿河北京東西  
路三十七將

十月庚辰置三司會計司以韓絳提舉

十一月己未上祀天地于圜邸大赦

乙卯熙寧八年

遼主洪基太康元年

正月乙巳始詔市馬于邛部川蠻以知成都府蔡延  
慶領其事又詔市威雅嘉泸文龍州馬

二月甲子增陝西鈇官改鑄大錢 癸酉觀文殿大

學士知江寧府王安石復以吏部尚書同平章事昭

文館大學士 乙酉初行河北戶馬法

三月庚子遼人再遣蕭禧來致書言河東地界翌日

詔遣天章閣待制韓縝往河東會議 壬申上以北

虜生事再遣橫使來求代北之地賜前宰相韓琦富

弼文彥博曾公亮手詔詢以待遇脩禦之要 是月

置陝西五路四十二將

四月乙亥正禧祖禘祫東嚮位 是月以樞密都丞

一  
章  
一  
卷  
一  
三  
旨曾孝寬言廢河南北監牧 兵部請河東保甲養  
馬以萬騎為額樞密院言保甲養馬不免抑配無恐  
芻秣失時不善調習緩急無用應用詔從之 廣源  
州劉純寇邕州歸化州儂智合擊敗之  
閏四月壬寅知制誥沈括上奉天歷 壬子右羽林  
軍大將軍世居謀反伏誅

五月甲子分環慶兵為四將 丁丑餘姚縣主簿李  
逢河中府觀察推官徐草謀反伏誅

六月丙午醜汴入蔡河以通漕 己酉頌王安石詩

書周禮義于學官 壬子詔五服敕增入嫡子死無

衆子然後嫡孫承重即嫡孫襲封爵者雖有衆子猶  
承重 初蕭禧至京師留館中不肯行必欲以分水  
嶺為界帝遣內侍李憲許之以長連城六蕃嶺為界  
禧猶不從王安石勸上曰將欲取之必姑與之于是  
詔于分水嶺界遣使以圖持示禧乃去

七月又命韓績徃河東割新疆與之凡東西失地七

百里

八月丙申詔議運司輸京師粟留毋過百萬羨者與

十朝系事 卷一  
飢民 庚戌韓絳罷為觀文殿大學士知許州  
河北京東兵及廢監牧卒脩都城

十月乙未彗出軫 己亥避殿減膳詔中外之臣極  
言亡諱 辛亥罷手實法 丁未彗滅

十一月交趾分三道入寇 戊寅陷欽州 壬午立  
陝西蕃丁法

十二月丙申濬黃河 己酉交趾陷廉州 辛亥命  
天章閣待制趙高為安南道招討使率兵討交趾 昭  
宣使李憲副之

丙辰熙寧九年

遼主洪基太康二年

正月辛酉廣西提點刑獄宋球本路都監張守節進  
兵崑崙關為交人所敗一軍皆覆守節死之

庚午置熙河岷等州買馬場 下溪州刺史彭師晏  
等降乙卯詔次第補官 庚辰交趾陷邕州知州蘇  
緘死之殺吏民五萬餘人 癸未罷陝西交子法

二月戊子命宣徽南院使郭達為安南道招討使以  
趙高副之罷李憲 庚寅詔前廣西經畧使沈起劉  
彝並責授散官安置起郢州彝隨州

三月己卯宗哥首領鬼章寇五年谷熙河鈐轄韓存  
宝擊敗之梓夔路鈐轄王光祖破渝獠於黃沙坎  
又援出別將楊万于石門督兵襲賊遁去 壬午  
劉彝除名編管涪州  
四月丁亥軍器監檄殿前都指揮使郝質等至監會  
議質等以聞上批三衙禮繼二府寺監小官豈可呼  
召自今止移文定議 己丑省禮賓院 戊戌復廣  
濟河漕 辛亥茂州夷寇邊遣內侍押班王中正往  
經置之

五月丙寅分兩浙為東西路 丁卯城茂州 罷四  
川路買馬 己巳詔淮東轉運副使蹇周輔鞠前知  
華亭縣張若濟獄于秀州

七月乙丑詔自今大禮官昭憲太后族一人

八月壬辰以判南京張方平言罷天下鬻祠廟 庚  
子占城入貢請助討交趾

九月丙子置樞密五房院

十月丙午王安石罷為使相判江寧府樞密使工部  
侍郎吳充參知政事禮部侍郎王珪並以本官同平

章事充監脩國史珪集賢殿大學士 乙未詔東南  
諸路訓練新軍

十二月甲午詔內侍李憲往計議秦鳳熙河路邊事  
諸將並聽節制 癸卯郭遠敗交趾于富良江去交  
州三十里獲偽太子洪真李乾德請降得其廣源州  
門州思琅州蘇茂州及枕榔縣而還是役也官軍八  
萬死者什六遠始欲濟富良江趨交州已而曰願以  
一身活十萬人命乃班師

丁巳熙寧十年

遼主洪基太康三年

正月戊寅張若濟獄具若濟坐受民吳湘銀九百兩  
等罪杖脊流海島本路運轉副使王廷老提點刑獄  
晁端彥等坐累降黜有差獄初起事連參知政事呂  
惠卿御史中丞鄧綰諫其狀上一再遣使往秀州究  
實至是惠卿弟溫卿亦坐罪衝替辭下  
二月甲申詔封樞關額禁軍請受 戊子鬼章寇岷  
州知州种諤等擊敗之 丙午以復廣源蘇茂等州  
受群臣表賀赦乾德罪許脩貢如故蘇茂等州  
三月丙寅詔許孟陝等六州陳留等十一縣鹽許通

十朝綱要 卷十  
商 戊申三司立鹽鈔帖納之法

四月丙午以河北京東盜起詔中書檢正官安燾安

撫兩路

五月南劍州賊廖恩叛

六月丁亥徙淮南轉運副使蹇周輔于福建督捕廖

恩

七月乙亥郭遠以安南失律奪宣徽使貶左衛將軍

安置西京 丙子河決澶州曹村埽南徙匯于梁山

張澤灤一合南清河入淮一合北清河入海

八月廖恩降

九月乙卯詔應傳宣中批及面得旨事無法者中書  
樞密院覆奏若非禮祈恩有罪規免者奏劾之 癸

酉立義倉自畿內始

十一月辛酉詔兩省都知押班已至觀察使者如年  
勞及有功止轉使額雖有特旨令樞臣執奏如甲戌

上祀天地于園邱大赦

十二月壬午詔改明年元年是歲以提奉茶場司李  
杞言始盡權蜀茶

十朝綱要 卷十  
戊午元豐元年

遼主洪基太康四年

正月戊午命判太常寺陳襄等詳定郊廟礼文辛未始遣同修起居注安燾使高麗

閏正月壬午詔諱裕之外如親祠太廟並以功臣配庚子詔知諫院蔡確與御史中丞鄧潤甫御史上官均鞫相州失入獄

四月丙寅塞决河名其埽曰靈平六月癸卯朔日食辛酉相州獄具判官陳安民勒停大理評事文及甫等論罰有差以度支副使蹇

周輔言始權福建路鹽已酉納溪夷寇邊七月癸酉朔立南郊滌宮命西上閤門使韓存宝經制瀘州納溪夷

九月乙酉詔祀天地正配位並用特牲十月丁未畢修都城凡周五十里辛亥韓存宝破

瀘夷後城十有三圍十一月己亥罷文武功臣號十二月丁巳以開封囚猥多復置大理獄是歲辰

沅州徭寇邊

已未元豐二年

遼主洪基太康五年

正月己卯詔大理鞠知太湖縣陳世儒母被害獄  
二月戊辰詔御史何正臣舒亶鞠太學生虞蕃獄  
三月庚寅從都子范子儀議導洛通汴命內臣宋用  
臣提舉

五月丙子順州蠻叛峒兵討平之  
庚辰詔濮安懿王三夫人並稱王夫人遷祔濮園

七月己巳逮知湖州蘇軾赴御史獄

八月丙申朔夏人寇綏德城都監李浦擊退之  
辛

丑分涇原路兵馬為十一將

九月丁丑陳世儒及妻李並伏誅  
壬辰出馬步射格鬪法頒諸軍

十月戊申交趾歸所掠邕欽廉三州人以順州賜之

乙卯太皇太后崩

十一月庚午太學獄具學官王沆之除名余中王沔之范峒並黜責有差獄逾年方決追逮徧四方連坐甚衆皆中丞蔡確御史舒亶何正臣為之  
癸未始

御崇政殿



十二月乙巳立太學三舍之法凡一百四十三條  
丙午置御史六察 庚申蘇軾獄具責散官安置  
黃州連坐者甚衆

庚申元豐三年

遼主洪基太康六年

正月戊子詔審刑部斷議官失入者歲具數罰之  
二月壬戌以宣徽南院使王拱辰言立戶馬法  
三月乙丑吳克罷為觀文殿大學士西太一宮使  
癸酉葬慈聖光獻皇后于永昭陵 丙子南丹州入  
貢賜以刺史印

四月戊申汴州夷乞弟寇戎州兵官王宣王慎言死  
之 乙卯詔御史分察諸路監司

五月甲申復命韓存宝經制瀘夷 改導洛司為汴

河堤岸司

六月詔京東十二州置買賣鹽場官自賣鹽

七月庚午河決澶州孫村大吳埽 甲戌詔自今大  
禮毋上尊號 丁丑詔祠郊廟毋設黃道褥 癸未  
彗出太微垣 丙戌避殿減膳詔中外直言闕失  
丁亥詔祀明堂惟配上帝餘從祀群神悉罷

八月戊午彗滅

九月乙亥正官名以待中中書令同平章事為開府儀同三司左右僕射為特進吏部尚書至將作監主簿並換階官為寄祿官檢校僕射以下及階散憲銜並罷 丙子詔兩制遷官至太中大夫止朝議大夫以七十負為額 丙戌王珪進監脩國史 辛巳大饗明堂以英宗配大赦 乙酉詔即景靈宮作十一殿以時主禮祠祖宗 是歲

富弼為司徒劉沆王堯臣並追賜謚封國公 是歲始制元豐庫 河東河北陝西三路始行保甲法

皇宋十朝綱要卷第十上

皇宋十朝綱要卷第十下

眉山李皇編

神宗

辛酉元豐四年

遼主洪基太康七年

正月乙未命步軍都虞候林廣代韓存宝經制瀘夷

庚子詔試進士加律義 庚戌以五路義勇並團

為保甲

二月己卯詔東南諸路團結諸軍為十三將

三月乙巳立九軍法大閱兵于好草陂 是月通廣

鹽于乾州南安軍又通淮鹽于洪吉袁撫等州  
四月己巳詔罷南郊合祭天地自今親祠北郊如南  
郊儀有故不行則以上公攝事 壬申山陰縣主簿  
余行之謀反伏誅 乙酉河決澶州小吳北流  
七月庚寅以夏人囚其主秉常令陝西河東路率兵  
問罪 以判吏部蘇頌言以武選歸吏部於是吏部  
始分左右曹立四選法 丙寅韓存宝坐逗遛無功  
伏誅

八月乙卯朔罷中書堂選悉歸有司 辛酉夏人寇

臨川堡 詔西蕃保順軍節度董毡會兵伐西夏

九月乙酉熙河經制李憲舉兵復蘭州 丁亥敗夏

人于西市 丙午詔諭夏國首領能相率効順共誅

國讎當倍行爵賞敢拒王師孥戮無赦 辛亥鄜延

經畧副使种諤大敗夏人于無定州

十月丁巳諤攻米脂寨破之降其將令介訛遇 癸

亥入石州 戊辰入夏州 己巳入銀州 庚午環

慶行營經畧使高遵裕復靖遠軍入環州 癸酉入

韋州 己卯涇原路都總管劉昌祚大敗夏人于磨

一草錄事 卷十  
啜隘 辛巳進次鳴沙川取其窖米百萬計趨靈州  
十一月癸未朔日食 劉昌祚軍乘勝至靈州城下  
城門未閉先鋒奪門欲入遵裕馳遣使止之昌祚畏  
與遵裕爭功因止不攻 乙酉遵裕繼至與諸軍合攻  
城凡十八日不下 丙戌鄜延副總管曲珍敗夏人  
于黑水 己丑李憲敗夏人于囉逋川 庚子取浮  
圖吳堡義合三壘關土東屬銀夏 辛丑師還初上  
將興師知樞密院孫固副使呂公著皆力諫至是諸  
將皆無功上大悔喻孫固曰若用卿言必不至此

癸卯罷宣徽使 辛亥築塞門浮屠二寨 是月以  
御史滿中行言罷文德殿常朝及橫行 是歲  
十二月辛未林廣破乞弟于納江乞弟遁去 是歲  
府界及三路上保丁數凡六十九萬有奇 是歲  
壬戌元豐五年 遼主洪基 太康八年

正月辛丑責高遵裕散官安置郢州 辛亥以熙河  
經制李憲為涇原經畧安撫制置使知蘭州李浩副  
之再議西討 以提舉市易司賈青言推行抵當法  
于畿縣 是月詔准西路始權監

二月丙辰林廣追乞弟深入夷境至鴉飛不度山內  
侍麥文丙出密詔班師師行凡四十餘日丙辰歸次  
江門築藥共城安疆寨江門寨癸酉以董毡嘗  
出兵助討夏國有功進封武威郡王

三月以日將食避殿減膳

四月日食不見甲子築葭芦寨癸酉官制成以  
門下中書三省統領百職改平章事為尚書左右僕  
射以平章事王珪及參知政事蔡確為之改參知政  
事為門下中書侍郎以知定州章惇參知政事張璪

為之置左右丞以翰林學士蒲宗孟王安礼為之

五月詔門下省察差除更改事更不關報御史臺諫  
院辛卯詔秘書殿中內侍入內內侍省不隸臺察

癸巳作尚書省知延州沈括乞盡城橫山北瞰

平夏使虜不得絕磧為寇起丙午遣給事中徐禧內  
侍李舜舉往審議之

六月乙卯詔李憲赴闕始罷西師再舉之議詔自

今事不以大小中書取旨門下覆奏尚書省奉行

戊寅作天源河安化蠻寇宜州知州湖南都監

王竒死之

七月壬申河決靈平埽 己酉始建雩壇專祀上帝  
以太宗配罷後祀群神

八月庚申詔歲以四孟月朝獻景靈宮 壬戌始用

徐禧議即永樂小川築新城距故銀州二十五里

### 戊寅河決原武

九月丙戌賜永樂新城名銀川寨 夏人聞城永樂  
自涇原舉兵二十萬來爭徐禧李舜奉亦自米脂引  
兵趨銀川寨禦之 丁亥夏人寇銀州寨廊延路副

總管曲珍出戰敗績將官寇偉死之 戊戌陷銀川

寨禧舜奉及陝西轉運判官李稷死之曲珍縋城走  
得免蕃漢官二百三十人兵萬二千三百人皆歿

己亥始置客省司引進四方館東上閣門使副

寅河溢滑州塞原武決河 是月淮西路始推行蹇

### 周輔益法

十月戊申上聞銀川城陷對輔臣慟哭言惟呂公著  
趙高嘗言用兵不是好事自是息意討征 甲寅責  
沈括散官安置隨州 是月狹河始畢功

十一月戊寅罷御史分察諸路 壬午景靈宮十一  
殿成告遷祖宗神御 癸未初行酌獻禮 乙酉大  
赦 官繪像景靈臣寮子若孫一人 甲子開京城濠

癸亥元豐六年

遼主洪基太康九年

正月丁丑朔御大慶殿受朝始用新樂儀 鶯司撤幕  
屋毀新玉輅上不悻 是月夏人寇蘭州殺將官楊  
定鈐轄王文郁力戰却之 二月甲戌升九宮貴神為大祀

三月夏人又寇蘭州 戊戌麟府將郭忠紹敗夏人  
于七離柳

四月戊申以提舉成都府路茶場陸師閔言始于成  
都府置博馬都茶場師閔代李稷增蜀茶額為百萬  
癸亥熙河路總管李浩敗夏人于巴義谷

五月夏人寇麟州知州砮虎敗之

六月乙巳朔詔御史臺六察各置一御史 己未詔

推行京東鹽法于河北

閏六月乙亥朔秉常奉表請脩貢許之 戊寅詔止



陝西河東出兵

七月乙卯始附孝惠孝章淑德章懷皇后于太祖太

宗真宗庙室

九月癸卯朔日食 丙辰以高麗國王徽卒遣使吊

祭弟運即位

十月癸酉朔秉常上表脩復貢乞還所侵地不許

丁丑始以中書舍人趙彥若為右諫議大夫 庚子

尚書省成

十一月丙午祀昊天上帝于圜邱大赦始罷合祭入

庚申幸尚書省 丁卯開洪澤河

十二月夏人大舉寇蘭州

甲子元豐七年

遼主洪基太康十年

正月癸丑夏人寇蘭州將士拒守甚固虜攻城十日

不下糧盡引去 丁未詔李憲檄西蕃首領董毡阿

里骨出兵腹背擊之

二月丁丑詔京東保甲每都養馬五十足保馬之法

始于此 丙戌詔以侍御史知雜事為御侍史不帶

知雜事以言事官為殿中侍御史六察官為監察御

史左右巡使監察使名並罷

四月癸酉夏人寇延州安寨堡將官呂真敗之

五月壬戌以鄒國公孟軻配食文宣王封荀况揚雄

韓愈為伯並從祀

六月丙子夏人寇德順軍巡檢王友死之

七月甲辰伊洛溢河決元城浸北京自是月河北路

始併大名府澶恩等十州官皆權鹽

九月通廣鹽於郴全道三州 乙丑夏人圍定西城

熙河將秦貴敗之

十月壬申夏人寇靖邊寨涇原路鈐轄彭孫敗之

夏人又寇涇原 乙亥寇熙州 戊子分畫交趾界

詔以六縣二峒賜之 辛巳始權建州及南劍州臘

茶

十一月丁酉朔夏人寇靖邊寨隊將白玉李貴死之

十二月戊辰端明殿學士司馬光上資治通鑑

乙丑元豐八年 遼主洪基大安元年

正月戊戌上寢疾

二月辛未以福建路轉運使副王子奇言詔在京及

府界陝西路許茶貨通商外餘路並行權法  
辛巳貢院火試官有焚死者丁亥詔禮部別鎖試  
三月甲午朔立延安郡王嵬為皇太子皇太后權同  
處分軍國事詔熙河蘭會路制置使李憲落入內  
副都知武信留後皇甫旦編管南安乙未大赦  
戊戌上崩于福寧殿皇太子即皇帝位尊皇太后為  
太皇太后皇后為皇太后德妃朱氏為皇太妃太皇  
太后權同處分軍國事己亥大赦詔緣邊務靜  
守疆場辛丑罷皇城邏卒放開驍役夫及造軍器

兵匠乙巳罷太廟朔望薦食己未詔邊事稍重  
者樞密院與三省同議以進是月李憲等舉兵渡  
河擊夏人斬首四千餘級鹵獲甚衆司馬光入臨  
民擁光馬首呼曰公無歸洛留相天子光懼徑歸洛  
太皇遣內侍梁惟簡問光為政所當先者光乞下詔  
廣開言路令士庶實封極言得失

四月丙寅上初御紫宸殿辛未詔戶部侍郎李定  
條具堤岸司所領事及京城所課利以聞蠲民間  
元豐六年前逋賦罷府界并京東路養馬詔京

東西保馬依元降年限收買 罷在京并京西及泗  
州物貨場 詔監察御史劉拯點摩人戶所欠市易  
息錢大戶放七分小戶全放 詔傳宣內降及官司  
奏請雖得旨而元無條貫者並申中書密院覆奏  
是日以改轉法出內侍宋用臣等十三人于外 乙  
亥以太皇太后生辰為坤成節 丁丑令樞密院中  
書通赴都堂議事 詔舉行舊法分遣郎官御史察  
奉諸道監司 御史陳次升使江西黃降使福建  
庚辰河東經畧使呂惠卿遣兵入夏國界破其六寨

斬六百級 乙酉詔保甲兩丁并第五等田不及二  
十畝者聽自陳放免 丁亥免民戶所欠常平免役  
息錢五分及除放場務買撲罰錢 戊子詔強盜已  
殺人知人欲告按問欲舉而自首者不減等

五月乙未下詔求言詔語中設六事以戒言者有曰  
若乃陰有所懷犯非其分扇搖機事之重迎合已行  
之令觀望朝廷以希進銜惑流俗以干譽審出于此  
必罰無赦 罷汴河堤岸司所領天漢橋方木場果  
子行猪羊園等 免洛口兩岸灘地租錢二分 丁

百以十二月八日為興龍節 丙午復置府界三路  
巡檢弓兵 戊申遣御史陳次升宇文昌齡察舉福  
建湖南 庚戌左僕射王珪卒 戊午右僕射蔡確  
進左僕射知樞密院韓縝拜右僕射知陳州司馬光  
過關入見拜門下侍郎光言詔書求諫而遂以六事  
防之乞刪去此一節頒布天下

六月丁亥始用光之言別下求言詔

七月甲午罷諸鎮寨市易抵當 丁酉上大行皇帝  
謚廟號神宗 戊戌詔三省事合進呈者並令執政

官同上奏稟退就本省各舉官制施行 詔三路保

甲自來年正月並罷團教每歲農隙止赴縣教閱一

月 甲辰司馬光乞盡罷保甲歸農復置耆戶長壯

丁散保甲于兩騏驎院坊監諸軍蔡確等執奏不行

庚戌罷汴河拘欄牛馬果子行等地課 甲寅罷

廊延團將 以司馬光言詔天下奏獄不當讞者按

其罪 丙辰罷沅州脩築堡寨

八月己巳罷諸州縣市易抵當 詔青苗錢不立定

額 丁丑詔殺錢所留寬剩不得過二分 丁亥罷

府界新紉牧馬監并經度制置牧馬司 罷三路提  
奉保甲錢糧官自十月至正月分四番教閱  
九月乙未詔應配者悉配行如舊法 罷在京免行  
錢 罷成都府利州路買馬 戊午止京東西收買  
堡馬

十月癸酉詔倣唐六典置諫官 丁丑詔待制以上  
各奉堪充諫官二員以聞 詔監察御史兼言事殿  
中侍御史兼察事 罷義倉 遣金部郎中范諤往  
河北相度鹽法 己卯散軍器所兵匠 河決大名

庚辰劉摯言差除改更事件乞令門下依舊于當  
日關諫官御史 乙酉葬神宗皇帝于永裕陵 丙  
戌罷方田 詔府界諸路耆戶長壯丁並募人充仍  
等第給雇錢其保正甲頭承帖人並罷 己丑罷三  
路提奉保甲官 詔保甲止冬教三月  
十一月乙巳詔三省合取旨事及臺諫章奏並同進  
擬不專屬中書 丁酉附神宗于太庙第八室遷翼  
祖簡穆皇后劉氏于西夾室 丙午罷諸縣巡教保  
甲官

十二月壬戌還于闐所進師子 丙寅詔府界三路  
 保甲第五等兩丁之家並免冬教 癸酉諜報西人  
 欲犯蘭州詔本路經畧使趙濟嚴備 罷後苑西作  
 院 乙亥上初御通英閣召宰執侍臣講讀仍詔自  
 今更旬宰執兼赴 戊寅罷增置鑄錢十四監 始  
 復坊正並募人充給雇錢

皇宋十朝綱要卷第十下



